



JIB: 4400963610001
MB: 1752642 B.R.U: 5-43-00



REPUBLIC OF SRPSKA
PUBLIC HEALTH INSTITUTE

Ž.R: 552-000-0000-5787-65
Ž.R: 562-100-80000177-30



ISO 9001:2008

Hypo-Alpe-Adria-Bank AD
NLB Razvojna banka

Broj protokola: 500-2032 -2/16

Datum: 21.04.2016. godine

Na osnovu člana 28. Statuta JZU Instituta za javno zdravstvo Banja Luka, člana 64. stav 1. pod b) i člana 89. stav (1) Zakona o javnim nabavkama Bosne i Hercegovine i preporuke Komisije za javne nabavke, utvrđene zapisnikom broj: 500-2032-1/16 od 20.04.2016. godine, direktor dana 21.04.2016. godine donosi *s l j e d e ć u*:

ODLUKU

- Dodjeljujem ugovor za LOT 1- (sredstva za održavanje higijene, Institut Banja Luka) ponuđaču „Eurosan“ doo ,Veljka Mlađenovića bb, Banja Luka, kao ponuđaču koji je jedini dostavio prihvatljivu ponudu, čija ukupna vrijednost iznosi: 10.213,71 KM.
- Dodjeljujem ugovor ugovora za LOT 2- (sredstva za održavanje higijene-papir i tečni sapun sa dispenzerima za Institut Banja Luka), ponuđaču „Eurosan“ doo ,Veljka Mlađenovića bb, Banja Luka, kao ponuđaču koji je jedini dostavio prihvatljivu ponudu, čija ukupna vrijednost iznosi: 7.336,37 KM.
- Dodjeljujem ugovor ugovora za LOT 3- (sredstva za održavanje higijene, regionalni centar Istočno Sarajevo), „Eurosan“ doo ,Veljka Mlađenovića bb, Banja Luka, kao ponuđaču koji je jedini dostavio prihvatljivu ponudu, čija ukupna vrijednost iznosi: 2.098,44 KM.

OBRAZLOŽENJE

Na osnovu odluke direktora broj: 500-1708/16 od 04.04.2016. godine, proveden postupak nabavke robe „sredstava za održavanje higijene-godišnje potrebe“, za potrebe Instituta Banja Luka i Regionalnog centara Istočno Sarajevo, putem konkurentskog zahtjeva za dostavljanje ponuda broj: 500-1708-1/16, te da je rok za dostavljanje ponuda utvrđen za 18.04.2016. godine do 12,00 sati. Nakon isteka roka za dostavljanje ponuda Komisija za javne nabavke je izvršila otvaranje ponuda, što je konstatovano u zapisniku sa otvaranja ponuda broj: 500-2032/16 od 18.04.2016. godine. Cijeneći navedeno Komisija za javne nabavke je nakon provedenog javnog otvaranja ponuda pristupila analizi dokumentacije priložene uz ponude u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, a u skladu sa procedurama i pravilima utvrđenih tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

I. Komisija konstatuje da su ponude dostavili sljedeći ponuđači:

1. Ponuđač, „Inter-com“ doo, Vrandučka 71b, 72000 Zenica, je dostavio ponudu i to:
Lot 1- Institut Banja Luka, ukupna vrijednost 4.286,47 KM,
Lot 3-Regionalni centar Istočno Sarajevo, ukupna vrijednost 953,97 KM,
2. Ponuđač, „Eurosan“ doo ,Veljka Mlađenovića bb, Banja Luka, je dostavio ponudu i to:
Lot 1-Institut Banja Luka, ukupna vrijednost 10.213,71 KM,

Lot 2-Papir i tečni sapun sa dispenzerima za Institut Banja Luka, ukupna vrijednost 7.336,37 KM,
Lot 3-Regionalni centar Istočno Sarajevo, ukupna vrijednost 2.098,44 KM,

II. Uvidom u tendersku dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

- Ponuda ponuđača „Inter-com“ doo, Vrandučka 71b, 72000 Zenica **ne ispunjava** formalno pravne, ekonomske i tehničke uslove, odnosno da ponuda nije prihvatljiva za ugovorni organ i da kao takva ne može biti predmet vrednovanja shodno utvrđenim kriterijumima u tenderskoj dokumentaciji iz sljedećih razloga:

Lot 1- sredstva za održavanje higijene za Institut Banja Luka:

Stavka 1. Sapun koji po specifikaciji gramaže je ekvivalentan Palmolive sapunu koji smo tražili specifikacijom, ali ne i po sastavu. Kako je cijena ponuđenog artikla neprimodno niska, to i naprijed navedeno nas upućuje na sumnju u kvalitet ponuđenog proizvoda.

Stavka 6. Tehničkom specifikacijom tražene su gumene rukavice Vileda ili ekvivalent. Zahtjev za rukavicama podrazumijeva da su one u skladu sa BAS EN 374, te da su postavljene čistim pamukom iznutra, kako bi se spriječilo znojenje ruku. Nepostavljene rukavice uslovljavaju pojavu gljivičnih infekcija i alergijskih reakcija kod higijeničarki, i širenje neprijatnih mirisa. Ranije su korištene Vileda rukavice Contract ili Multipurpose, te samo ove ili njima potpuno ekvivalentne rukavice drugih proizvođača dolaze u obzir. Uvidom u uzorak koji ste nam poslali, rukavice ne ispunjavaju tražene uslove kvaliteta.

Stavka 10. Deterdžent za suđe. Specifikacijom je traženo da se dostavi deterdžent koji ispunjava uslove biorazgradivosti u skladu sa EU legislativom. Ugovornom organu nije, kao dokaz za navedeni zahtjev, dostavljen niti jedan dokument kojim dokazujete traženo specifikacijom (certifikat o biorazgradljivosti, bioakumulativnosti ili neki drugi dokument kojim možete dokazati tvrdnje). Osim toga, sastav na pakovanju i na dostavljenom tehničkom listu u ponudi se međusobno razlikuju. Stoga smatramo da ovaj proizvod ne odgovara traženoj specifikaciji.

Stavka 13. Tehničkom specifikacijom traženo je visokokoncentrovano sredstvo za čišćenje, deskalinaciju, dezinfekciju i dezodoraciju toaletnih prostora, definisane kiselosti (pH vrijednosti- koja dokazano djeluje na uklanjanje vodenog i urinskog kamenca).

Traženo koncentrovano sredstvo se razblažuje na radne rastvore koncentracije 2,5%.

Pakovanje koncentrata mora biti maksimalno 2 lit.

Dakle, nama je veoma bitno da se radi o koncentrovanom sredstvu, profesionalnom, koje djeluje ciljano na pomenute nečistoće, sa kojim sredstvima mi imamo bolju mogućnost kontrole potrošnje, i ono što je za nas veoma bitno manje ambalažnog otpada.

Vi ste nam ponudili sredstvo spremno za upotrebu, a ne koncentrat koji se razblažuje, u pakovanju od 1 litar. Niti deklaracija, niti tehnički list ne sadrže podatke o traženoj pH vrijednosti. Uz ponudu nije dostavljen nikakav dokaz mikrobiološke efikasnosti dezinfekcione osobine sredstva za čišćenje toaletnog prostora. Osim svega naprijed navedenog, ovaj proizvod sadrži opasne hemikalije, što je jasno istaknuto na deklaraciji (sastav i piktogram opasnosti), a klasifikacija i obilježavanje proizvoda nije usklađeno sa važećim Zakonom o biocidima.

Stoga zaključujemo, da kvalitet i tehnička specifikacija uzorka ne odgovara i nije u saglasnosti sa zahtjevima TD.

Stavka 14. Tečno abrazivno sredstvo traženo je u jediničnom pakovanju od 1 lit. Uzorak odstupa od zahtjeva, dostavili ste dva pakovanja od po 500ml. Tehnički list proizvoda sadrži podatke o sastavu koji su prepisani iz tehničke specifikacije, a deklaracija ne sadrži iste podatke.

Stavka 15. Teh.specifikacijom traženo je visokokoncentrovano sredstvo čija je pH vrijednost neutralna, a maksimalna koncentracija radnih rastvora 1%. Od koncentrata bi trebalo da možemo pripremiti 150-200 litara radnog rastvora.

Dostavili ste uzorak u pakovanju od 1 litar, spremnog za upotrebu rastvora za pranje staklenih površina, bez razblaživanja.

Kao i kod stavke 13, ovo je proizvod koji puno trošimo, bitno nam je da se radi o koncentrovanom sredstvu čije radne rastvore pripremamo, time imamo bolju kontrolu nad potrošnjom i upotrebom, kao i manje ambalažnog otpada. Proizvod koji ste dostavili kao uzorak uopšte ne odgovara tehničkoj specifikaciji TD.

Stavka 16. TD specifikacijom tražen je deterdžent Ariel ili ekvivalent. Ponuđeni deterdžent po sastavu treba biti ekvivalentan Ariel-u, što znači da ne smije sadržavati fosfate. Naime ozbiljni evropski proizvođači, poput Proctor and Gamble, su od 2014. u skladu sa važećom EU regulativom i legislativom iz sastava deterdženata za već izbacili fosfate kao najveće polutante vodene životne sredine.

Na osnovu uvida u dostavljene uzorke, u deklaraciju, ustanovljeno je da dostavljeni uzorak sadrži fosfate, te u vezi sa naprijed navedenim smatramo da ponuđeno nije u skladu sa zahtjevima tenderske dokumentacije.

Kako je cijena ponuđenog artikla neprirodno niska, to i naprijed navedeno nas upućuje na sumnju u kvalitet ponuđenog proizvoda.

Stavka 26. Tražene su plastične bočice sa raspršivačem, od jače plastike (podrazumijeva se HDPE ili LDPE otporna na hemikalije i rastvore) zapremine 500 ml. Kao uzorak dostavljena je PE ili PP naduvana plastična boca zapremine 750 ml sa raspršivačem, što nije u skladu sa zahtjevom tehničke specifikacije TD.

Lot 3-sredstva za održavanje higijene za Regionalni centar Istočno Sarajevo:

Za stavke pod rb. 7, 13, i 18 važe iste primjedbe kao i za lot 1. Naime dostavljeni uzroci ne odgovaraju tehničkoj specifikaciji traženog kvaliteta.

- Ponuda ponuđača „Eurosan“ doo, Veljka Mlađenovića bb, Banja Luka **ispunjava** sve formalno pravne, ekonomske i tehničke uslove, odnosno ista je prihvatljiva za ugovorni organ i kao takva može biti predmet vrednovanja shodno utvrđenim kriterijumima Obavještenjem o nabavci, odnosno tenderskom dokumentacijom.
- III. Uzimajući u obzir utvrđeni kriterijum „najniža cijena tehnički zadovoljavajuće ponude“, Komisija je izvršila vrednovanje ponuđača i formirala rang listu najpovoljnijeg ponuđača u predmetnom postupku nabavke po Lot-ovima kako slijedi:

Tabela 1 (Rang lista ponuđača)

LOT 1-sredstva za održavanje higijene- Institut Banja Luka		
Rang ponuđača	Naziv ponuđača	Ukupna ponuđena cijena sa PDV-om
1	„Eurosan“ doo ,Veljka Mlađenovića bb, Banja Luka	10.213,71 KM

LOT 2- papir i tečni sapun sa dispenzerima za Institut Banja Luka		
Rang ponuđača	Naziv ponuđača	Ukupna ponuđena cijena sa PDV-om
1	„Eurosan“ doo ,Veljka Mlađenovića bb, Banja Luka	7.336,37 KM

LOT 3- sredstva za održavanje higijene- regionalni centar Istočno Sarajevo		
Rang ponuđača	Naziv ponuđača	Ukupna ponuđena cijena sa PDV-om
1	„Eurosan“ doo ,Veljka Mlađenovića bb, Banja Luka	2.098,44 KM

Polazeći od gore navedenih konstatacija, Komisija je, shodno utvrđenom kriterijumu „najniža cijena tehnički zadovoljavajuće ponude“ i na osnovu člana 64. stav 1. pod b) i člana 89. stav (1) i stav (3) Zakona o javnim nabavkama Bosne i Hercegovine jednoglasno dala preporuku direktoru ugovornog organa da donese sljedeću odluku:

- Odluku o dodjeli ugovora za LOT 1- (sredstva za održavanje higijene, Institut Banja Luka) ponuđaču „Eurosas“ doo ,Veljka Mlađenovića bb, Banja Luka, kao ponuđaču koji je jedini dostavio prihvatljivu ponudu, čija ukupna vrijednost iznosi: 10.213,71 KM.
- Odluku o dodjeli ugovora za LOT 2- (sredstva za održavanje higijene-papir i tečni sapun sa dispenzerima za Institut Banja Luka), ponuđaču „Eurosas“ doo ,Veljka Mlađenovića bb, Banja Luka, kao ponuđaču koji je jedini dostavio prihvatljivu ponudu, čija ukupna vrijednost iznosi: 7.336,37 KM.
- Odluku o dodjeli ugovora za LOT 3- (sredstva za održavanje higijene, regionalni centar Istočno Sarajevo), „Eurosas“ doo ,Veljka Mlađenovića bb, Banja Luka, kao ponuđaču koji je jedini dostavio prihvatljivu ponudu, čija ukupna vrijednost iznosi: 2.098,44 KM.

Shodno gore izloženom direktor ugovornog organa je odlučio kao u dispozitivu.

PРАВНА ПОУКА

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (ugovorni organ) u toku konkretnog postupka dodjele ugovora prekršio jednu ili više odredbi Zakona o javnoj nabavci i podzakonskih akata ima pravo uložiti žalbu na postupak u pisanoj formi u roku od 10 (deset) dana od dana prijema obavještenja o rezultatu postupka javne nabavke. Žalba se podnosi u 5 (pet) primjeraka kako bi mogla biti uručena kvalifikovanom kandidatu i /izabranom ponuđaču i drugim strankama u postupku.

DOSTAVLJENO:

- Učesnicima u postupku nabavke x2
- Samostalnom referentu nabavke
- a/a



Direktor
Mr. sci. dr. Mirodrag Marjanović